



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

V. De continuatione Visitationis Apostolicæ Ecclesiarum & Locorum Piorum
Urbis.

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

V.

Circa continuationem Visitationis Apostolicae Ecclesiarum & Locorum Piorum Urbis.

Visitationem hujusmodi indixit Innoc. PP. XII. anno 1693. Constit. Agrum universalis Ecclesiae &c. Sequentes vero Pontifices Clemens XI. an. 1701. Innocentius XIII. anno 1721. & Benedictus XIII. anno 1724. eam persequi suis Constitutionibus mandarunt.

Dat. die 2. Augusti 1730. P. An. 1.

Visitatio ab Innocentio XII. instituta.

A Successoribus confirmata, & continuata.

Nondum tamen in integrum peracta.

Quam necessaria ad tollendos, & praecoccupandos abusus.

Continuari praecipitur.

CLEMENS PAPA XII.

Ad futuram rei memoriam.

§. 1. **C**um se. re. Innocentius Papa XII. praedecessor Noster circa Pontificatus sui primordia pastorem Cleri Romani omniumque almae hujus Urbis Ecclesiarum, piorumque Locorum & operum Visitationem instituerit, eamque ipsemet in Patriarchalibus ejusdem Urbis Ecclesiis inchoaverit, ac sibi in eo munere adjuutores nonnullos ex Sacro Venerabilium Fratrum Nostrorum tunc suorum S. R. E. Cardinalium Collegio delegit & assumpserit, eisque quosdam Romanae Curiae Praelatos, & alios subinde Cardinales adjunxit, qui Visitationem ipsam peragerent, & negotia illam concernentia expedirent, ac Secretarium, Judicem, Cancellarium, seu Aduarium Commissarium, & Fiscalem, aliosque forsitan Officiales & Ministros Sacrae Visitationis hujusmodi deputaverit, variasque eidem Cardinalibus, ac eorum & doctorum Praelatorum Congregationi, necnon Officialibus & Ministris praedictis facultates, praerogativas, & indulta concesserit & impartitus fuerit, & alias prout in diversis ipsius Innocentii praedecessoris literis desuper in simili forma Brevis expeditis, quarum tenores praesentibus pro plene & sufficienter expressis, ac de verbo ad verbum insertis haberi volumus, uberius continetur; & sicut accepimus, memorati quidem Cardinales Visitatores una cum Praelatis Coadjutoribus, etiam pia mem. Clementis XI., Innocentii XIII., ac Benedicti etiam XIII. Romanorum Pontificum praedecessorum pariter Nostrorum jussu, Visitationem hujusmodi tam in eidem Patriarchalibus quam in aliis Collegiatis, & fere omnibus Parochialibus Ecclesiis, ac in multis Monasteriis Regularium tam Virorum quam Mulierum, necnon Collegiis, Hospitalibus, Confraternitatibus & aliis Locis piis dictae Urbis postea prosecuti fuerint, salutaribusque monitis & decretis, ubi opus fuerit, prouiderint;

§. 2. Visitatio tamen ipsa in omnibus Ecclesiis, ac Locis & operibus piis praedictis nondum sit peracta, sed multa negotia eam concernentia adhuc pendeant indecisa; Hinc est, quod Nos pastoralis studio considerantes quantopere Visitatio hujusmodi utilis & necessaria sit non modo ad tollendos abusus, sed etiam ad praecavendum, ne deinceps introducantur, quantumcumque boni ex illa haecenus provenerit, & benedicente Domino proventurum sit, si Visitatio ipsa continuetur & absolvatur, ac in ea, quae ad Dei cultum & gloriam, animarumque salutem opportuna & conducibilia sunt, sicut haecenus factum est, imposterum quoque pie prudenterque statuatur;

§. 3. Motu proprio & ex certa scientia & mera deliberatione nostris, deque Apostolica potestatis plenitudine, memoratam Visitationem continuari absolvi: causaque indecisa in Congregatione praedicta penden-

tes, prout aequitatis atque justitiae ratio suaserit, terminari: Visitationes particularium Ecclesiarum, ac Locorum & operum piorum jam inchoatas absolvi: necnon Ecclesias, ac Loca & opera pia tam hucusque visitata, quae iteratam Visitationem exposcere videbuntur, quam nondum visitata, visitari: caeteraque omnia & singula Visitationem hujusmodi concernentia fieri, geri, statui, & ordinari, ac executioni demandari debere, tenore praesentium decernimus & mandamus.

§. 4. Ac omnes & singulas facultates, privilegia, gratias, praerogativas, praerogativas, & opera quaecumque praedictis Cardinalibus & Praelatis, eorumque Congregationi, necnon omnibus, & singulis Officialibus & Ministris supradictis a memoratis Innocentio XII., Clemente XI., Innocentio XIII., ac Benedicto etiam XIII. praedecessoribus per suas respective literas desuper emanatas, quovis modo respective concessa & attributa, per obitum eorumdem Praedecessorum minime cessasse, nec cessare, sed in suis robore & firmitate permanere, omnibus, & singulis praedictis respective adhuc competere & suffragari debere, decernimus pariter & declaramus; & quatenus opus sit facultates, privilegia, gratias, praerogativas, praerogativas, & indulta hujusmodi eidem Cardinalibus & Praelatis, eorumque Congregationi, ac Officialibus & Ministris praedictis in omnibus & per omnia, prout eis respective a supradictis Innocentio XII., Clemente XI., Innocentio XIII., ac Benedicto XIII. Praedecessoribus concessa & attributa fuerunt, motu, scientia, deliberatione & potestatis plenitudine paribus denuo concedimus, tribuimus & impartimur.

§. 5. Decernentes easdem praesentes literas, & in eis contenta quaecumque, etiam ex eo, quod quicumque in praemissis, seu eorum aliquo interesse habentes, seu habere quomodolibet pretendentes, cuiuscumque gradus, ordinis, praerogativae & dignitatis existant, etiam Cardinalatus honore fulgentes, aut alias specifica & individua mentione & expressione digni, illis non consenserint, nec ad ea vocati, citati & auditi, neque causa, propter quas praesentes emanarunt, adductae, verificatae vel justificatae fuerint, aut ex alia quacumque quantumvis justa, pia & privilegiata causa, colore, pretextu & capite, etiam in corpore juris clauso, etiam enormis, enormissimae & totalis laesionis, nullo unquam tempore de subreptionis vel obreptionis aut nullitatis vitio seu intentionis nostrae, aut interesse habentium consensus, aliove quolibet, etiam quantumvis magno & substantiali ac individuum expressionem requirente, defectu notari, impugnari, invalidari, infringi, retractari, ad terminos juris reduci, seu in contrariam revocari, aut adversus illas aperiitionis oris, restitutionis in integrum, aliudve quodcumque juris, facti, vel gratiae remedium impetrari vel intentari, seu impetrato, aut etiam motu, scientia, & posteratis plenitudine paribus concessio vel emanato, quempiam in iudicio vel extra illud uti, seu se juvare posse; sed ipsas praesentes literas firmas, validas & efficaces existere, & fore, suosque plenarios & integros effectus sortiri & obtinere, ac illis, ad quos spectat & spectabit in futurum, plenissime suffragari, & ab eis respective inviolabiliter observari; Sicque & non aliter in praemissis per quoscumque Judices ordinarios & delegatos, etiam &c. Causarum Palatii Apostolici Auditores, necnon ejusdem S. R. E. Cardinales etiam de Lateri Legatos, & alios quoslibet quacumque praerogativa & potestate fungentes & futuros, sublata eis & co-

Singula privilegia Congregationum Visitationis componibus confirmat. & renovat.

Legibus praesentium literarum.

Derogatio
contrario-
rum.

Transumptio
fides.

rum cuilibet quavis aliter iudicandi & interpretandi facultate & auctoritate, iudicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 6. Non obstantibus præmissis, ac omnibus & singulis illis, quæ memoratus Innocentius XII. prædecessor in suis literis supradictis voluit non obstare, cæterisque contrariis quibuscumque.

§. 7. Volumus autem, ut earundem præsentium literarum transumptis seu exemplis, etiam impressis, manu alicujus Notarii publici subscriptis, & sigillo personæ in Ecclesiastica Dignitate constitutæ munitis, eadem prorsus fides habeatur, quæ præsentibus haberetur, si forent exhibitæ vel ostensæ.

Datum Romæ apud Sanctam Mariam Majorem sub annulo Piscatoris die 2. Augusti 1730. Anno Primo.

F. Card. Oliverius.

VI.

Confirmatio Indulti & usus celebrandi Missas & Officia Sanctorum Ordinis Canonico-regularium Sancti Augustini pro Congregatione S. Antonii Viennen. ejusdem Ordinis.

Facultatem celebrandi Festa nonnullorum Sanctorum sui Ordinis Canonico-regularibus Sancti Augustini Congregationis Lateranen. concessit Pius PP. V. anno 1570. Constit. Licet Ecclesia Dei &c.

CLEMENS PAPA XII.

Ad futuram rei memoriam.

Dat. die 12.
Aug. 1730.
Pont. An. 1.

Procuratoris
Generalis S.
Antonii
Viennen. po-
stulatio.

§. 1. Exponi Nobis nuper fecit dilectus Filius Josephus Depluvii Procurator Generalis Congregationis S. Antonii Viennen. Ordinis Canonico-regularium Sancti Augustini, quod ipsa Congregatio vigore Indulti ei aliàs a Sede Apostolica concessi, quod (ut asseritur) in viridi observantia existit, reperitur in possessione seu quasi possessione recitandi ac celebrandi Missas & Officia Sanctorum dicti Ordinis Canonico-regularium Sancti Augustini ad instar similis concessionis dudum a san. mem. Pio PP. V. prædecessore nostro per suas in simili forma Brevis die 18. Decembris 1570. expeditas literas, quarum initium est: Licet Ecclesia &c. Congregationi Lateranen. ejusdem Ordinis factæ, quæ subinde ad alias passim Ordinis prædicti Congregationes, & nominatim S. Salvatoris in Italia, Sanctæ Genovefæ in Gallia, ac Reformatam a B. Petro Fourier in Lotharingia, Apostolica auctoritate extensa seu ampliata fuit.

Concessio
aliàs a San-
cto Pio V.
facta; de qua
supra.

Eam confir-
mat etiam
pro Con-
greg. Sancti
Antonii
Viennen.

§. 2. Cum autem, sicut eadem expositio subjungebat, dictus Josephus, præmissa quo firmius subsistant & serventur exactius, Apostolicæ confirmationis nostræ patrocinio communitur plurimum desideret: Nos eundem Josephum specialibus favoribus & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes & absolutum fore censentes, supplicationibus ejus nomine Nobis super hoc humiliter porrectis inclinatis, memoratum Indultum ipsi Congregationi S. Antonii Viennen. a Sede præfata concessum, ac usum in ea vigentem recitandi & celebrandi Missas

& Officia Sanctorum Ordinis Canonico-regularium Sancti Augustini ad instar enarratæ concessionis ab eodem Pio Prædecessore dictæ Congregationi Lateranen. factæ, ac ad alias supradicti Ordinis Congregationes extensæ & ampliata, sicut præmittitur, auctoritate præfata tenere præsentium confirmamus & approbamus, illique inviolabilis Apostolicæ firmitatis robur adjicimus.

§. 3. Decernentes, easdem præsentibus literas, firmas, validas & efficaces existere & fore, suoque plenarios & integros effectus sortiri & obtinere, ac illis, ad quos spectat & pro tempore spectabit, in omnibus & per omnia plenissime suffragari, & ab eis respective inviolabiliter observari; Sicque & non aliter in præmissis per quoscumque Judices Ordinarios & Delegatos, etiam Causarum Palatii Apostolici Auditores, & dictæ Sedis Nuncios iudicari & definiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

Præsentium
Literarum
auctoritas.

§. 4. Non obstantibus Constitutionibus & Ordinationibus Apostolicis, necnon, quatenus opus sit, Congregationis S. Antonii Viennen. ac Ordinis hujusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis & innovatis. Quibus omnibus & singulis, illorum tenores præsentibus pro plene & sufficienter expressis ac ad verbum insertis habentes, illis aliàs in suo robore permanfuris, ad præmissorum effectum hac vice dumtaxat specialiter & expresse derogamus, cæterisque contrariis quibuscumque.

Contrario-
rum deroga-
tio.

Datum Romæ apud Sanctam Mariam Majorem sub Annulo Piscatoris die 12. Augusti 1730. Pontificatus nostri Anno Primo.

F. Card. Oliverius.

Ex lib. mensis Aug. Tass. 16.

Confirmatio quorundam Decretorum anno 1725. a SS. Domino Nostro uti ejusdem Ord. Protectore, & a Benedicto XIII. specialiter ad hoc Delegato, editorum pro bono Ordinis S. Francisci Provinciæ Romanæ, illiusque Fratrum regiminiæ.

VII.

Alia nonnulla statuta edidit Benedictus XIII. anno 1724. die 16. Novembris Constit. Universalis Ecclesiæ &c.

CLEMENS PAPA XII.

Ad futuram rei memoriam.

Dat. die 31.
Aug. 1730.
Pont. An. 1.

Aliàs dum Cardinalatus honore fungebamur, emanarunt a Nobis uti tunc Tertii Ordinis S. Francisci apud Sedem Apostolicam Protectore, & a fe. re. Benedicto XIII. Prædecessore Nostro ad hoc specialiter delegato, nonnulla Decreta pro salubri ejusdem Ordinis, illiusque Fratrum gubernio ac directione, tenoris, qui sequitur, videlicet:

SS. D. Noster
in minoribus
cum esset,
Tertii Ordinis
S. Francisci Prote-
ctor.

§. 1. Laurentius Tit. S. Petri ad Vincula S. R. E. Presbyter Cardinalis Corsinus, Tertii Ordinis S. Francisci apud S. Sedem Protector, & ad infra-scripta per SS. D. N. Benedictum Divina providentia Papam XIII. specialiter delegatus. Vitis supplicibus libellis P. Magistri Ludovici Patriarchæ SS. D. Nostro porrectis, rimatisque statutis generalibus Fratrum Tertii Ordinis anno 1549. compilatis, & per cl. me.

Series De-
cretorum ab
eodem tunc
temporis
emanato-
rum.